

## RJEŠENJE

### O RAZRJEŠENJU ČLANA UPRAVNOG ODBORA PREDUZEĆA "BAZAR", D. D. SARAJEVO

1. Razrješava se dužnosti člana Upravnog odbora preduzeća "BAZAR", d. d. Sarajevo, imenovan rješenjem broj 07-111-190 od 20. 02. 1998. godine;

- ARAMBAŠIĆ MIRSADA, dipl. ecc., član.

2. Ovo rješenje stupa na snagu danom donošenja, a objavit će se u "Služenim novinama Kantona Sarajevo".

Broj 071-111-222

16. novembra 1998. godine  
Sarajevo

Ministar  
Hazim Zečević, s. r.

Na osnovu člana 158. stav 4. Zakona o preduzećima ("Služenim novinama Federacije BiH", broj 2/95), Ministarstvo privrede, donosi

## RJEŠENJE

### O IMENOVANJU ČLANA UPRAVNOG ODBORA PREDUZEĆA "BAZAR" D. D. SARAJEVO

1. Za člana Upravnog odbora ispred preduzeća "BAZAR" Sarajevo, a na prijedlog preduzeća, imenuje se:

- ZVIZDIĆ ZLATA, šef računovodstva, član.

2. Imenovani član Upravnog odbora ima prava i obaveze utvrđene Zakonom i Statutom preduzeća.

3. Ovo rješenje stupa na snagu danom donošenja, a objavit će se u "Služenim novinama Kantona Sarajevo".

Broj 071-111-222

16. novembra 1998. godine  
Sarajevo

Ministar  
Hazim Zečević, s. r.

## Ministarstvo obrazovanja, nauke i informisanja

Na osnovu čl. 13. i 16. Zakona o srednjoškolskom obrazovanju ("Služenim novinama Kantona Sarajevo", broj 11/98), ministar obrazovanja, nauke i informisanja Kantona Sarajevo, donosi

### PRAVILNIK

#### O POSTUPKU UTVRĐIVANJA USLOVA I O SADRŽAJU I NAČINU VOĐENJA REGISTRA SREDNJIH ŠKOLA SA PODRUČJA KANTONA SARAJEVO

##### Član 1.

Ovim pravilnikom propisuje se postupak utvrđivanja uslova za rad srednje škole kao javne ustanove i srednje škole kao ustanove u svim oblicima svojine, kao i sadržaj i način vođenja Registra srednjih škola sa područja Kantona Sarajevo.

##### Član 2.

Postupak utvrđivanja uslova za rad srednje škole i upis u Registar srednjih škola vrši Ministarstvo obrazovanja, nauke i informisanja Kantona Sarajevo.

Upis srednje škole u Registar srednjih škola vrši se nakon provedenog postupka utvrđivanja uslova za rad srednje škole, na osnovu rješenja o upisu u Registar srednjih škola.

##### Član 3.

Postupak utvrđivanja uslova za rad srednje škole pokreće se na zahtjev srednje škole ili njenog osnivača.

Ministarstvo obrazovanja, nauke i informisanja Kantona Sarajevo može pokrenuti postupak iz prethodnog stava i po službenoj dužnosti.

##### Član 4.

Postupak utvrđivanja uslova za rad srednje škole vodi se u slučaju osnivanja srednje škole, primjene novih nastavnih planova i programa, upisa nove struke, novog stručnog zvanja odnosno zanimanja, organizovanja specijalnog odjeljenja srednje škole, odjeljenja srednje umjetničke škole, odjeljenja srednje škole izvan njenog sjedišta, odjeljenja srednje škole izvan Kantona Sarajevo (u daljem tekstu: oblici organizovanja), kao i ponovnog provjeravanja uslova za rad u postojećim srednjim školama.

U Registar srednjih škola Kantona Sarajevo upisuju se sve srednje škole kao javne ustanove nad kojim je Kanton Sarajevo preuzeo prava osnivača, srednje škole kao ustanove koje su već osnovane od strane domaćih i stranih pravnih i fizičkih lica, novoosnovane srednje škole kao javne ustanove i ustanove, kao i svi oblici organizovanja koji se uvode ili mijenjaju u već upisanoj srednjoj školi, uz prethodno proveden postupak iz stava 1. ovog člana.

U Registru srednjih škola evidentiraju se podaci o statusnim promjenama srednje škole na osnovu odgovarajuće odluke osnivača srednje škole, kao i podaci o promjeni naziva, sjedišta i adrese srednje škole, odnosno odjeljenja izvan njenog sjedišta.

##### Član 5.

Srednja škola ili njen osnivač podnose zahtjev za utvrđivanje uslova za rad srednje škole, najkasnije do 31. januara tekuće godine za narednu školsku godinu.

Uz zahtjev iz prethodnog stava srednja škola ili njen osnivač dostavlja:

1. odluku osnivača o osnivanju srednje škole, odnosno organizovanju odgovarajućeg oblika obrazovanja;
2. usvojen elaborat o društveno-ekonomskoj opravdanosti osnivanja srednje škole;
3. dokaz da je obezbijeden nastavni kadar u skladu sa odgovarajućim nastavnim planom i programom;
4. dokaz da je obezbijeden školski prostor, oprema i nastavna sredstva u skladu sa odgovarajućim normativima;
5. dokaz o obezbijedenju finansijskih sredstava za rad srednje škole, odnosno odgovarajućeg oblika obrazovanja.

##### Član 6.

Dokaze o ispunjavanju uslova za rad srednje škole provjerava stručna komisija koju obrazuje ministar obrazovanja, nauke i informisanja Kantona Sarajevo.

Stručna komisija sastoji se od predsjednika i najmanje dva člana od kojih je obavezno jedan stručni radnik Prosvjetno pedagoškog zavoda, a drugi stručni radnik zadužen za obrazovanje odnosno struku za koju se vrši obrazovanje u srednjoj školi.

Za člana komisije može se imenovati i odgovarajući stručnjak iz preduzeća ili drugog pravnog lica.

Za zakonitost rada stručne komisije odgovoran je predsjednik.

##### Član 7.

Stručna komisija razmatra zahtjev, procjenjuje dokaze i na licu mjesta utvrđuje uslove za rad srednje škole.

O utvrđivanju uslova iz prethodnog stava stručna komisija sačinjava zapisnik.

##### Član 8.

Na osnovu zapisnika iz stava 2. prethodnog člana stručna komisija predlaže ministru obrazovanja, nauke i informisanja

Kantona Sarajevo da donese rješenje o upisu srednje škole, odnosno odgovarajućeg oblika obrazovanja u već upisanoj srednjoj školi, u Registar srednjih škola, ili da donese rješenje o odbijanju zahtjeva za upis.

Član 9.

Stručna komisija može u zapisniku iz člana 7. stava 2. ovog pravilnika konstatovati da će ponoviti postupak utvrđivanja uslova za rad srednje škole, odnosno odgovarajućeg oblika obrazovanja u roku od najduže šest mjeseci od dana prvog izlaska stručne komisije na lice mjesta radi otklanjanja nedostataka.

Ako stručna komisija u ponovnom pregledu na licu mjesta utvrdi da nisu ispunjeni uslovi iz prethodnog stava, predložit će ministru obrazovanja, nauke i informisanja Kantona Sarajevo da donese rješenje o odbijanju zahtjeva za upis u Registar srednjih škola.

Član 10.

Rješenje o upisu u registar srednjih škola ili o odbijanju zahtjeva za upis donosi ministar obrazovanja, nauke i informisanja Kantona Sarajevo do utvrđivanja plana upisa u prvi razred srednjih škola, a najkasnije do 30. juna tekuće godine u kojoj je podnesen zahtjev za utvrđivanje uslova za rad srednje škole, odnosno odgovarajućeg oblika obrazovanja.

Na osnovu izdatih rješenja o upisu u registar srednjih škola, Ministarstvo obrazovanja, nauke i informisanja Kantona Sarajevo objavljuje, najkasnije do početka naredne školske godine, spisak verifikovanih srednjih škola u "Služenim novinama Kantona Sarajevo".

Član 11.

Registar srednjih škola sadrži:

1. redni broj;
2. naziv, sjedište i adresu srednje škole, odnosno odjeljenja izvan sjedišta srednje škole, ili odjeljenja srednje škole izvan Kantona Sarajevo;
3. naziv osnivača, broj i datum akta o osnivanju srednje škole, odnosno davanju saglasnosti za organizovanje odgovarajućeg oblika obrazovanja;
4. broj i datum rješenja ministra obrazovanja, nauke i informisanja Kantona Sarajevo o upisu srednje škole, odnosno odgovarajućeg oblika obrazovanja u Registar srednjih škola;
5. vrstu obrazovanja;
6. statusne promjene;
7. prestanak rada, naziv organa, broj i datum akta o prestanku rada srednje škole, odnosno obliku obrazovanja odjeljenja izvan sjedišta srednje škole;
8. napomene.

Član 12.

Ministarstvo obrazovanja, nauke i informisanja Kantona Sarajevo može po službenoj dužnosti pokrenuti postupak za brisanje srednje škole, odnosno oblika obrazovanja iz Registra srednjih škola kada u skladu sa Zakonom o srednjoškolskom

obrazovanju donese rješenje o prestanku rada srednje škole, odnosno oblika obrazovanja.

Član 13.

Registar srednjih škola se vodi u tvrdo povezanoj knjizi čije su stranice numerisane i sadrže rubrike za upisivanje podataka iz člana 11. ovog pravilnika.

Na unutrašnjoj strani prve korice knjiga Registra srednjih škola se ovjerava potpisom ministra i pečatom Ministarstva obrazovanja, nauke i informisanja Kantona Sarajevo.

Obrazac Registra srednjih škola sastavni je dio ovog pravilnika.

Član 14.

Podaci u Registar srednjih škola upisuju se hemijskom olovkom.

Ispravka pogrešno izvršenog upisa vrši se na taj način što se pogrešno upisani tekst precrtava tako da ostane čitljiv, a ispod njega se upiše ispravan tekst.

Izmjena podataka vrši se na taj način što se upisani tekst precrtava crvenom olovkom, a ispod njega se upiše novi tekst i u rubrici "Napomene" upiše razlog za izmjenu podataka.

Brisanje srednje škole, odnosno oblika obrazovanja vrši se na taj način što se crvenom olovkom zaokruži i redni broj i dijagonalno precrtaju rubrike sa podacima iz člana 11. tač. 2. do 6. ovog pravilnika, a u rubrici "Napomene" upiše razlog za brisanje.

Član 15.

Kopija Registra srednjih škola Kantona Sarajevo dostavlja se Ministarstvu obrazovanja, nauke, kulture i sporta Federacije BiH radi vođenja jedinstvene evidencije srednjih škola na nivou Federacije BiH.

Član 16.

Ovaj pravilnik stupa na snagu osmog dana od dana objavljivanja u "Služenim novinama Kantona Sarajevo".

Broj 11/-023-188/98  
12. novembra 1998. godine  
Sarajevo

Zamjenik ministra  
**Esmā Hadagić**, s. r.

Po izvršenom savjetovanju sa izvornim tekstom utvrđeno je da se u tekstu Zaključka o uključivanju sredstava dinarskog računa Budžeta Kantona Sarajevo i ostalih računa Kantona u depozite komercijalnih banaka, objavljenog u "Služenim novinama Kantona Sarajevo", broj 17/98 potkrala nije navedena greška, te se daje slijedeća

**ISPRAVKA**

U tački II stav 2. umjesto riječi: "Marketing banka", treba da budu riječi: "Market banka".

Broj 08-sl./98  
16. novembra 1998. godine  
Sarajevo

Sekretar  
Skupštine Kantona Sarajevo  
**Srdan Arnaut**, s. r.

**GRAD SARAJEVO**

**Gradonačelnik**

Na osnovu člana 144. Zakona o srednjoškolskom obrazovanju ("Službene novine Kantona Sarajevo", broj 11/98), gradonačelnik grada Sarajeva donosi